





## VAWISUN THUPUI

Unauhai, inhrilsie tuo naw ro, Tukhawmin a unau a hrilsietin amanih, a unau a sawisel chun, dan a hrilsietin, dan a sawisel a nih; nisienlakhawm dan i sawisel chun dan zawmtu i ni naw a, roreltu i ni lem. Dan petu le roreltu chu pakhat cho a um: sandam theia, sukbohmag thei chu; nang tuol-bawmhai sawiseltu chu tu am i ni leh?

- Jakob 4:11-12

## Editorial

### Enfel a semruol nisienla

UNC Economic Blockade leia Manipur mipuihai harsatna chun a vawrtawp a tlung ta a. Phingtama fak ding bu le hme nei naw leia thi la um naw inlakhawm ei harsatna chu an ril ta hle. Kawng iengkimah a mi sawi hne hle ta a nih. Security Escort a NH-37 (Imphal-Jiribam Road) a ei state mipui mamaw phurlutna hlak chun ei mamaw a phuruk zo nawh ti chu an lang chieng ta hle. Jiribam a inthawk inzing utin Truck zat an hungtlung ti thu TV le Chanchinbu haiah puong le zieklang a ni hlak. Amiruokchu, khawlam a fe zo hlak a ni ding, District Headquarters dang dang han chang ei nei ngai nawh. Imphal kahwpui le a se vela cheng han an pumbil el a ni ding? Churachandpur town sunga Oil Pump haia thautui sem nawna hi hun sawt takel a ni tah. Hieng hi thil umdan le thil fe dan a ni leini thuneitu han enfelin semruol ngei hai sienla nuom a um.

Churachandpur District in Petrol, Diesel le Khawnvartui quota ei nei chu hun iemani chena inthawk khan pek ei ni tanaw a, state sawrkar kuomah ei district quota hung pe dingin vawi tam takel hnina lekha ka ziek ta a, sienkhawm ngaisak a hlaw der nawh tiin DC, CCPur chun a beidawng ve thu a hril. Hi lei hin Churachandpur District a inthawka Minister le MLA ei neihai khawmin ei DC sap hnina hi hung bawzuipui hai sienla nuom a um khawp el. Lungril lien tak puta hma an hung lak a tul a nih.

Economic Blockade fe mek le inzawma Union Minister of State for Home Kiren Rijiju Imphal-a a hung inzin tum khan Economic Blockade hlip le suktawp nghal a ni ding thu a hril a. A thu hril chu lawm a um a, ngai khawm an hawi. Amiruokchu, New Delhi tieng a tlung nawk a, tuchen hin a thu hril chu umzie nei lovin a re ta vawng vawng el a ni. Economic blockade thua Union Home Ministry hmalakna thar khawm hriet ding a um meu ta nawh. Manipur Assembly Election hung um dinga khawm hin thlanglal lo nihai sienlakhawm ieng uol chu an thaw bik dim maw? Mipui beisei ang chu an ni der nawh.

Jiribam Road a inthawka Manipur mipui mamaw chi tum tum hungtlung hai hi semruol a ninaw chun harsatna chau ni lovin buoina khawm intun thei a nih. Election hun puong a ni ta bakah election le inzawma Model Code of Conduct hmang a ni ta leini ei CM, ei Ministers le MLA-hai thu khawm a fe bek bek tanaw niin an lang. Tulai taka ei state a thuneina insang cheltu chu ei Governor, Chief Secretary le Chief Electoral Officer hai an nina lai a um a. Hi lei hin Supply hungtlung hai enfelin, Imphal khawpui le phairam biel haia chau ni lovin tlangram biel hai leh semruol dingin hma hung la hai sienla nuom a um. Economic Blockade hlip a hung ni theina ding kawngah khawm an ni hi ei state a ding chun a hma latu ding nitain an lang.

Supply a tlawm a, demand a tam lem ta leini Manipur mipuihai kawng iengkimah ei harsa hle ta a. Economic Blockade tawp lova a fe pei chun Assembly Election khawm hi tlung takin ei nei thei ring a um nawh. Thautui chau ni lovin fak le dawn thil hai khawm a dabawlin ei mamaw sa ding a nih. A san chu election duty dingin sipai sangtel an hung lut belda ding a ni leini NH-2 (Imphal-Dimapur Road) hi ei mamaw thil hai phurlutna dinga ei hmang thei hmakhat chu ei intodel zonaw ding a nih.

Inbiekna neia harsatna um hai hi chingfel thei vawng a nih. Ei harsatna hlipkieng a hung ni theina ding chun state sawrkar, sawrkar thlungpui le UNC palai han inbiekna an nei a, inremna an hung siem a tul hmasa tak a nih. Inbiekna a um naw chun inremna a um thei ngai naw ding a nih. Hi lei hin tripartite talk a hung um ngei theina dinga sawrkar thlungpuiin hma a hung lak phawt a tul a nih. Ei hril ta angin state CM le Minister-hai hlak thuneina nei ta lo ang an ni leini inbiekna dinga hma latu tak ding chu sawrkar thlungpui a ni ta a nih.

#### Editorial Board

**Lalmalsawm Sellate:** Editor & Publisher

**Roding L. Sellate:** Jt. Editor

**Ramditum @ Rama Ralsun:** Asst. Editor

**Lalsansuok Pulamte & Samuel Zothanglien@SZ Zote:** Sports

**Joseph Joute:** Freelance

**Lalruotlien Dulien:** Computer Assistant

Edited & Published by Lalmalsawm Sellate at HT Office,

Lighthouse Lane, Churachandpur and Printed by him at Lamka

Super Printer, Vengnuam, Hiangtam Lamka, CCPur, Manipur.

# 2016 THLIRLETNA

By: L.Keivom

Look not mournfully into the past,  
it comes not back again. Wisely improve the  
present, it is thine. Go forth to meet the shadowy  
future without fear and with a manly heart.

-H. W. Longfellow

#### - SUNZAWMNA

Governor B. P. Acharya-in Award a sem ni hin remchang nawna inthuk tak leini mangin an mi hung dawngpek a. Ka tlungna ina an hung thak chun thuchei an zieka khan sut suol iemani zat a um bakah HSA seal tet a ni naw a, mi petuhaiin suoi an kei bawk naw leini hung sukkid a, mi pek kir nawk dingin ka hril a, Guwahati-a kan chawk sizo tawm leh hlawtlung takin Delhi tieng ka kir nawk a nih. September 2016 a Aizawla ka'n zin tumin HSA President-in siem that a ni tah thu le hun remchang hmasa takah mi'n hlan an tum thu a mi hril a, chu chu kan thu nuhnung tak a la ni hri. Hi tuma ka tawnhriet hi a hrinan 'HSA Inkhawmpui 55-na' ti thupui hmangin artikul sei tak ka ziek a, chu taka chun HSA hmehlmang tirdakum takzie ka hmu dan le hnam pum hmaia chil an sakkhum thu ka ziek. Chu hnung chun Churachandpur tienga Joint Headquarters thuoituhai sikiekin a kei ri ngainuomum rak lo thliin an khat tawka a hung len hlak ti kan hriet ti naw chuh, lawitlhemtu laka an thuoituhai petek thu hriet zui a ni ta naw a, lawm a um khawp el. Ei hnam sunga pawl upa tak le inzaum tak, iengkim thawnaa hnam sutpui a ni leini, HSA muolphona ding veng hi ei mawphurna sengah la tah inla nuom a um. Pawl inzaumna le hmang mawina hi suma inchwak thei a ni naw ang bawkin suma zawr ding a ni nawh.

Ringum le tlawmgai taka kum 2016 sunga HSA thupui kengkaw peituhai laia mi chuh Delhi HSA Joint Headquarters hi a ni ka ring. A flagship, kar tin suok chanchinbu Delhi Thurawn (DT) chun hma sawn pein, kum 33-na champa chu September 2016 khan a lo suo der tah a, Editor hmasa tak Ruolkhumlien Buhrl IAS khawm Delhi tlang Sawrkar Laipui thangsuo ngirhmun chelin Secretary puitlingin a thung hman der tah a nih. DT pawimawzie le a ngirhmun hlou ropuizie suina DT RECALL (December 2) ti artikul ka ziek nghe nghe. DT kawpi hlui ka kawp po bu 23-a kan khawrpum thu hi artikul hawngnaah ka ziek khah, khawvel la hung um peiah, hnama ei dam khawsook a ni chun, ei bung le chang pawimaw laia mi la hung ni pei a tih.

Kum 2016 sunga HSA Delhi Jt. Hqrs thil huoihaw (thangna pawimaw bikhai chu 1) Food Stall (North-East Festival, Pagati Maidan Feb 12-14); (2) Hosted MTFD Protest Rally (Jantar Mantar March 23); (3) Thiemfin (Convention Centre, JNU March 26); SSC coaching Feb 21 to 29 April 2016, Fellowship Centre, Munirka; Admission Help-Desk (29 May-31 July, Fellowship Centre, Munirka); DHPL (July 23, CRPF ground, Old JNU Campus); Freshers' Meet (Samaj Sadan, RK Puram Sept 3); Day of Repentance and Prayer (Oct 3, Fellowship Centre, Munirka); Dawntlang on Language & Progressive Education (Seminar Centre, JNU, Nov 14); Manipur 3 Bills le inzawma protest rally le ram le hnam thila inkhawmna hrang hrangah hnam aiaw-in palai a tir. Mani buzawlah

August kar thumnaah ram le hnam ta dinga lampui sielpui dingin Manipur le Mizoramah ka chuong kai a. Ka fe hmian, kan tunu Roselyn Lalumpui le Romeo Hmar inneinaa pusum le inhawn an mi pek lawmnain kan inah ruoi ka siem a, vawk

## BEL TLAK

H.zate

Pa Pakhat chun, "Nu le pain an nunghakhai Kohran Thalai hla inchuknaa thang dingin zan sawt tak tak chen suok an phal a, HSA Meeting a thang dinga sunah khawm suok an phal naw hin chuh inngaituo that chu ei mamaw a nih! Nu le pa hin bel tlakah an mi ngai naw a nih!" a ti a. A thu hril ka ngaitlakh a inthawk chun H.S.A -a lo inru laklaw ta hi lungril ah mawrtu a um tlat a, thil tam tak mi'n ngaituo tir.

HSA, Hmar hnam pawl a pova pawl hu le mawia an lo hril hlak, Hnam in bel tlaka a lo ngai hlak, 'bel tlak' ni ta lo anga a hei um el chu lungril hi a lo na a, mi a khei zawk zawk el a nih.

Bel tlak ni ding chun, miin an ring ngam, an ring zo, harsatna an intun ngamna le an hlimna le lawmna an intun ngamna ani a ngai a. An ring ngam tlat naw chu bel tlakin an ngai ngai nawh.

Tulaia thenkhatin an uor em em; inlak fek fawk, insukmitak kuol vel hi HSA ah hin chu a'nfu nawh, a'nfu naw el khawm ni lovin a rem ve nawh. Rawng ei bawlpkehahi hi Hmar hnam el khelah Hmar Inchuklaihai an ni a, ei danbu-ah 'Hmar Inchuklai kum chu zat chin.' ti a um naw a, 'Hmar inchuklai po po' a huom vawng leini Aganwadi a inthawk a inthawk a inchukna um thei chen chen a ni deu tawp a. Chulein, Inchuklaihai ta dinga tluk lut ngamna ni ding le rawng ei bawlpkehahi ta dinga tha taka sin ei thaw theina ding chun Aganwadi inchuklai khawma, "bei ka khawp nawh!" tia an pur ngam khawpa inhuoia ei um a ngai. "Tuipui/Vadung lien phaw chuh a umma a'nhuoi." an lo ti a. Vuongna khawm mihriem a phur theina ding chun hnuoiaha a tum rawp hlak annawm!

Kan khuo-ah hin inchuklai pawl pakhat a inhmang ve a. Kan Pisa (office) pana ka fe hin inchuklai Sikul tin ka tuok hlak a, chu Naupang hai chu a then pawl 1, a then pawl 4, thenkhat pawl 6 inchuklai dam an ni a, an ni chun Inchuklai pawl fe dan dinga an dit dan hai an mi hril hlak! "Kan sikul in thangpui kha sir-hai an lawm tawp!" "Naupang thanguina inpekhai kha an nu le pahai an lawm rass!" "Nangni chu Vai pawisa-in zu dawn ve maw ti niu ti raw!?" ti dam hi ka thu dawng hlak thenkhat a nih. Chuhai thurawn lei le Pathien zarin tukuma kan khuoia Inchuklai pawl chu Inchuklaihaiin 'Kan tal' an ti ngam a, an harsatna le an lawmna an intun ngamna ani tlat. Thenkhatin an Zirtirtuhaiin Home Work an pek tam thu an hril a, thenkhat ruok chun "Home Work an mi pek naw chun kan leng dai hlak" ti tawk hlak bo lo. Inchuklaihai ta dinga rawng bawl ding chun an harsatna le hlimnahai an mi'n tluon ngam a ngai. Harsatna intun ngamnahai hi bel tlaka ei ngaihai an ni hlak!

Khuo pakhat chun, an thuoituhaiin, "HSA bel

nachang khawm an hriet tawl nawh!" tiin an khuoia Hmar Inchuklai le mipui laka an lungawinaw thu an hril a. Chu thu ka ngaitlakh a inthawka ka lungriala lut le ka ngaituo chuh; HSA thuoituhai khan Inchuklaihai ta dingin ieng am a thaw ve?! Bel dingin bel tlak an ni zie inlangna dingin Hnam ta dingin ieng am a thaw an nei ve? Indawna tam tak ka nei hnung chun a ruin a dawna hi ka zawng a. Chutaka ka thil hmu chu; kha khuoia HSA khan kum tam tak sung chu Inchuklai tawk thil an thaw nawh a. Chu el khawm chu a ni nawh; HSA thuoitu le inhmanghai kha inruithaila inhmang vawng an lo nih. Chu khuo-ah chun, 'HSA le Kohran chu Meidil le Vanram ang anih!' tiin an lo hril a ni chuh! A ropui naw ngawt el. Kha khuoia Inchuklai le mipui ta ding chun bel tlak an ni naw hrin hrim a, bel ngam chi an ni nawh!

HSA Gen.Hqrs buotsai, Education Campaign-ah mawphurtuhai rokhawina leia Pu Josef V Tuolor, (tuta HSA Gen.Hqrs General Secretary hi Secretary i/c Education ani lain) in a mi fier leiin ting naw tak pumin Sinlung Hills fangin ruota um Pu LR Riangsete, Hossana Thiek, le VL khawbung hai leh kan fe a. chu taka ka thil hmu chu ka lawm kher el! Khuo dang chu ka hriet nawh, Mauchar le Khawlien-a HSA Thuoituhai chu Kohran thalaia t huoiu le Pastor Biel a khawm thuoitu ni phak dam an nih. Khanghai khan chu HSA member an hau a, naupangin an ring a, hnamin a thlamuonpui tlat! Ei hma laknaah hin miin bel tlaka an mi ngaina ding chun an mi ring ngam hi a pawimawh a, hi khuo pahni ka hril Thuoituhai hi chu nu le pa khawmi an ring hlie hlie a. An nauhai khawm an hnuoia intat lut dingin an phal hlie hlie a nih.

HSA hin nun thar a hmang tan a, hnamin bel tlakin an ngai tan a, HSA lakah Hnam hi a thla a muong a nih. Hi hi HSA hi an ringa, an bel ngam a, inngatna tlakah an ngai a, himnaa an ngai lei anih. HSA hi miin bel tlak an ngai peina ding chun Thuoituhai ei pawimaw a, rawng ei bawlpkehahi ta dinga tangkai thil ei thaw a ngai a nih.

Nang le kei lei hin miin HSA hi inhawi an tiin an ti naw thei a, tha an tiin an ti naw thei. HSA hin a that pha thei che a, a siet pha thei bawk che! A tha tieng kawng thlang puma l tu le theai kuoma i la uongpui ngam dinga HSA t huoi a, HSA le Membarhai ta dinga bel tlak ni pei dingin nang ngei hi i pawimaw a. HSA hi 'Sinin, hrilin, Sanin, Thuoinin, Serve The Nation' ti thupua neitu a ni ang hrina hieng anga a um pei theina dingin hma la la, chuonchun, 'HSA kan himna, kan lawmna!' la ti pei thei an/ei th.

H.zate

Hmar Run, 09 October 2016,

Camp: Hebron, Kolasib

## Employment News

1. Sashtra Seema Bal (SSB) hnuoia Sub-Inspector, Asst. Sub-Inspector le Head Constable (Communication cadre) post 872 a ruok.  
Post ruok hai chu-  
Sub-Inspector (Communication)  
No. of Vacancy : 16 Posts  
Pay Scale : Rs. 35400/- (Per Month)  
Post Name : Assistant Sub-Inspector (Communication)  
No. of Vacancy : 110 Posts  
Pay Scale : Rs. 29200/- (Per Month)  
Post Name : Head Constable (Communication)  
No. of Vacancy : 746 Posts  
Pay Scale : Rs. 25500/- (Per Month)  
Qualification: Sub-Inspector a dingin Degree in Electronics/Telecommunication/Science with Physics, Chemistry and Mathematics ni a tul a. Asst. Sub-Inspector a dingin Matric with Diploma in Electronics/Telecommunication or 10+2 (Physics, Chemistry le Mathematics) ni a tul. Head Constable a dingin Matriculate le a tlukpui bakah ITI Certificate in Electronics or 10+2 with Physics, Chemistry and Physics subject la ni a tul.

Inhnikna nei han chu chieng lem [http://www.ssbrectt.gov.in/docs/Advt\\_Comm%202011917.pdf](http://www.ssbrectt.gov.in/docs/Advt_Comm%202011917.pdf) a hmu thei ning a ta, Advertisement insuo ni Dec. 12, 2016 a inthawk ni 30 sungin Application peklut thei ning a tih.

2. SSB hnuoia Constable (Driver) post 731; Constable (Cook)-pasal post 349; Constable (Cook) nuhmei post 60; Constable (Washer man) pasal post 170 le nuhmei post 30; Constable (Barber) pasal post 82 le nuhmei post 15; Constable (Safaiwala) pasal post 176 le nuhmei post 30; Constable (Water Carrier) pasal 395 le nuhmei post 30 a rengin post 2068 a ruok. Inhnikna nei han chu chieng lem [http://www.davp.nic.in/WriteReadData/ADS/eng\\_19114\\_4\\_1617b.pdf](http://www.davp.nic.in/WriteReadData/ADS/eng_19114_4_1617b.pdf) a hmu thei ning a ta, Advertisement insuo a nia inthawk ni 30 sung, Manipur thangin ram kilkhawra cheng hai ta dingin ni 45 sungin Application peklut thei ning a tih.

3. Assam Rifles hnuoia Group B & C (Naib Subedar, Havildar, Warrant Officer le Rifleman) Post 705 a ruok. Inhnikna nei han chu chieng lem - [www.assamrifles.gov.in](http://www.assamrifles.gov.in) ah thu chieng lem hmu le hriet thei ning a ta, Application chu February 4, 2017 chenin peklut thei ning a tih.

#### ALL INDIA RADIO: CHURACHANDPUR PROGRAMME

Date: January 11, 2017 (Wednesday)

TRANSMISSION- FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcements & Mangal Dhvani	
5.30pm	P	PAITE Prog. Sig. Tune & Announcement Announcer: Ngazemhoh 1) H. Manglungnung & partner (mod) 2) Thangboi Mangte (mod)	CD-20 CD-20
6.00pm	P	HIMAR Prog., sig. Tune & Announcement Announcer: Edith 1) Albert Donald & partner (mod) 2) Caroline Lalremzo (mod) 3. Talk: "Health" by Jocelyn Lalhrietzing	CD-65 CD-65 CD-527
6.30pm	P	THADOU Prog., sig. Tune & Announcement Announcer: Seillemang 1) Veichin & party (trad) 2) Talk: "Schemes for educated unemployment Youth" by M. Khaikhohao	CD-1801 CD-1770
7.00pm	P	FARM & HOME: Thadou 1) Larnelthing (dev) 2) Talk: "National Food Security mission operational guideline" Lily	CD-1091 CD-1770

## Rs. 3-4 lakh crore sumhnar hrietlo deposit tah: IT Dept

NEW DELHI: IT Department thusokina a hril dan chun, demonetisation a inthawk bank tum tum hai ah sumhnar hrietlo le tax peklo Rs. 3 lakh a inthawk 4 lakh crore deposit ani

November 9 chen khan,

## Meghalaya-ah Assam sumdawnngtu 3 thuoimang

SHILLONG: Garo Hills, Meghalaya ah tulai hin helpawl hai an che nasa hle a, thla 3 vel an rasan hnunga tulaia lut tan nawk nia hril an nih. Mi tam tak thlabarin an siem hlak a, sumdawnngtu le inzinmi hai khawm an sukbuoi hle hlak

nia hril ani bawk. Zanikhan Assam mi sumdawnngtu 11 a hawna fe hai laia 3 chu Gasuapara, Garo Hills a kidnapped an nih. Sumdawnngtu kidnapped hai chu Tamal Dey (38), Killapara; Dulan Mahanta (36), Killapara le

Durgapada Dutta (35) hai niin, an ruol 8 hai chu an inrel hmang hman a, mi 3 hai ruok chu silaiin an tinde leini an tlan thei naw a nih. Sumdawnngtu hai chu Jadugre a inthawka Shillong an panna lampui, ramhnuoi laia man an

nih a. September, 2016 khawm kha hi lai hmuna bawk chun Assam mi sumdawnngtu 11 kidnapped an lo ni tah a nih. Deputy SP le Baghmara OC inrawi police team haiin helpawl hai zawng suokna sin an thaw mek a nih.



CHANCHIN  
LAKTAWI

Uttarakhand CM  
hospital-ah admit

DEHRADUN: Uttarakhand Chief Minister Harish Rawat chu BP (high Blood pressure) insang lei le a darn a a ti lein zani zingkar khan Doon Medical College and Hospital-ah admit a nih. Rawat (69) hi Doctor thiem han a hriselna an enfel mek.

Ganguly in vauna a  
dawng



KOLKATA: Indian Cricket captain hlui Saunav Ganguly chun tut i hriet loa inthawk vauna lekha a dawng nia hril a nih. A lekthawng dawng a chun Medinipur hmuna January 19, 2017 nia District Sports Association le Vidyasagar University han thanguroala programme an buotsaiha thang lo dinga an vauna an ziek a nih. Hi vauna lekthawng nia a dawng ngei thu Mr Ganguly chun a hril.

HP-ah dei a  
zuolkai pei

SHIMLA: Himachal Pradesh a chun vur nasa takin a tla lein boruoka a dei hi a zuolkai pei. Vur nasa taka a tlak lein power supply nasa takin a sukbuoi bakah motor in-lawng vel (traffic) khawm a sukbuoi pha baw a nih. Hmun tam taka chun zani le tiemin ni 5 sung electric power an hmu tanawh. Vur tlak nasat lein tlak insang na hmun deu Shimla, Lahaul le Spiti hai chu infepaw thei lovin an um pha bawk.

Bengaluru-ah AP mi  
vuok

BENGALURU: Arunachal Pradesh mi Khuadun Khangham (25) chu hmehrietlo haiin Northeast mi ani lein na takin an vuok nia hril a nih. Khangham chu a hliem irik hle a, tuhni NIMHANS hospital, Bengaluru a enkawl mek a nih. Khangham chu Ozakho, Longding district, Arunachal Pradesh a um niin, Bengaluru restaurant pakthata sinthaw ani a, vuoka a um zova tlansan ngal nia hril a nih. A ruolhai hril danin, Khangham chu thaw pal nilo, tum reng leia vuok ani thu hril a nih.

Bodo haiin tripartite talks sunzawm an ngen



GUWAHATI: Assam le a sevela cheng Bodo hnam sunga organisation hnan hnan hai thanguroalin Bodoland chungthuah tripartite talks sunzawm nawk dingin sawrkar an nawr. Bodo organisation hai lai chun Bodo Students Union (ABSU) khawm thung ve in, tripartite talks chu Parliament budget session hmaa thaw dinga ngenin, sawrkarin an ngenna a sukpuiling naw chun North-east pumpui huopa protest an thaw ding thu an hril. Bodo group hnan hnan hai chun policy-level a thutlukna siem ding le, Bodoland state chu anrang thei

Assam Police Special Branch office-ah meeting nein, congress thuoit United Progressive Alliance (UPA) in sawrkarna an chel laiin, Bodo groups, Assam sawrkar le central sawrkar haiin 2013-2014 sung khan tripartite talks tum 4 zet an lo nei ta a nih.

Bodoland an hnina le inzawmin, India ram hmun hnan hrana Bodo hnam cheng haiin dharna le protest vawit tam tak an lo huoihawt ta hlak a. Bodo hnam hai chu Assam a tribal hai laia a tam tak niin, tuhni Kokrajhar, Baksa, Udalguri le Chirang hai inkawpin Bodo Territorial Area Districts (BTAD) an nei mek a, ralthuom chawit faction 2- Gobinda Basumatary le Ranjan Daimary thuoit NDFB in sawrkar leh peace talks nei mekin. Songbijit I.K. thuoit NDFB(S) chun constitutional framework hnuoia sawrkar le inbiekna hrim hrim an dodal tlat a nih.

SP faction thuah EC in Jan. 13-ah Hearing

New Delhi: Uttar Pradesh a Mr Mulayam Singh Yadav le Akhilesh Yadav faction han party ziding lem nia inhriala party symbol "Cycle" changuit ding lem an inchna thubuoit le inzawmin Election Commission (EC) chun January 13, 2017 nia hearing nei dingin a ruot. February 11, 2017 a Uttar Pradesh Assembly Election phase khatna nei ding le inzawma Nomination paper process than ding January 17, 2017 hma ngeiin SP faction pahnai hai kara buovina hi chingfel a nuom a. Hearing nei ding hun hi SP faction pahnai hai khawm an hriet



Mr Akhilesh camp chun Election Commission hril anging party MPs, MLAs, MLCs le delegates hai affidavits an peklut ta a, Mr Mulayam Singh camp tiengpang chun party int

huoi dan dungzuiin Mulayam Singh Yadav chu party Chief a la ni zing a nih tiin an thang ve tlat bakah Akhilesh camp in affidavits an peklut hai chu an diklo nia hrilin enfel hmasa dingin EC an phut a nih.

EC in EO uluk taka enfel dinga hril

NEW DELHI: Election Commission chun state 5 haia Assembly Election um ding le inzawmin, Expenditure Observers hai chu uluk taka enfelna nei dingin a hril. EC chun candidate haiin black money, hlepukna le dan phallo thil hnan hnan haia inhnawmawina an nei am ti finkhur taka en dingin EO a hril a nih.

Observers hai chu Commission in zanita New Delhi hmuna special session neina ah thurawn a pek a. Expenditure Observers dinga ruot chu mi 200 niin, Chief Election Commissioner Nasim Zaidi in an sinthaw dan ding instruction pe in, thurawn le in-fuina thu a hril a nih. Nasim Zaidi chun Ob-

server hai chu hlepukna le black money chungthu chu ngaiven nawk zuol dinga hrilin, poll panel in guidelines a siem hai chu zui ani le ni naw finkhur taka en dingin a hril. EO hai chun Commission in instruction a siem anga implemet thaw ani am ti ngaiven dingin Zaidi chun a hril bawk.

CBSE Class X&XII Exam March 9 a inthawk

NEW DELHI: Central Board of Secondary Education (CBSE) hnuoia Class X&XII Examination, 2017 chu March 9, 2017 a inthawk than ning a tih. Class X exam hi April 10, 2017 le Class XII exam hi April 29, 2017 haiah zonging an tih tiin CBSE thusuok chun a hril. Class X exam ding hin candi-

dates 16,67,573 in exam form an fill up a, Class XII exam dingin candidates 10,98,420 exam form an fill up 2016 ah mi 14,91,371 Class X an exam a, Class XII ah mi 10,65,179 an in exam. CBSE hnuoia Class X & XII exam ding hi kum tin an pung belsa pei a, tu kuma Class X exam

ding hi nikum nekin 176202 in an tam lem a, Class XII exam ding hi nikum nekin 33241 in an tamlem. Tukum hin kum dang nekin exam inhu lem sienkhawm result chu puong inhuok ninaw ni a, puong hun pangngaiha puong ning a tih tiin R.K. Chaturvedi, Chairman, CBSE chun a hril.

ISRO le CNES-in agreement ziek

BENGALURU: Indian Space Research Organisation (ISRO) le French Space agency (CNES) haiin zanikhan Satellite Launch Technology (SLT) ah thaw tlang dingin agreement an ziek. Agreement chu ISRO Chairman Kiran Kumar le CNES President Jean-Yves Le Gall haiin Bengaluru

hmuna an ziek niin, French Minister of Foreign Affairs Jean-Marc Ayrault khawmin a uop ve. France le India hai chu kum 50 sung zet space co-operation tieng an lo thaw tlang ta hlak a, chu thil chu inlaichinna a dinga lungphum pawimaw tak le, hun sawt seia inzawmna

thatak siemtu a ni pei ring a nih. ISRO chu NASA dawtu niin, volume tienga CNES inzawmpuuta a pahinna a nih. CNES le ISRO thaw tlangna ding hin, French in vanboruoka programme a nei hai India thanguina in awlsam lema thaw thei hung niin, a sukhmasawn pha ta ding a nih.

APSC Chairman in congress minister pawisa pek

GUWAHATI: APSC scam leia hrentang mek Assam Public Service Commission (APSC) chairman Rakesh Paul in congress thuoitu lulaawk pawisa tam tak a pek ti hriet suok a nih. Rakesh Paul an puongna a chun, Rs. 20

lakh ama ngeiin a pek thu a hril a, Congress thuoitu dang dang khawm an hmupui rawp hlak thu a hril bawk. Paul in minister hming a lam chu mana indawna siem vat ni dingin police thusuokin a hril a. APSC

buoia ah politics an rawl ruk chu mak le pawit a tih thu suok chun hril sa in, Paul inpuongna neka kimchang lem document pawimaw hai a unaupa Rajiv Paul kuta a um thu hril ani bawk.

The Salvation Army  
CHILDREN'S TRAINING HIGHER SECONDARY SCHOOL  
S.A. Road, Churachandpur-795128, Manipur.  
**TEACHERS REQUIRED**  
Applications along with Curriculum Vitae (CV) and photostat copies of documents are invited for teaching post in the Confined section and Middle section.  
\* Qualification : 10+2 or above  
\* No. of Post : 3 (Three)  
\* Last date of Application: Date 16-01-2017 (Monday) at 1:00PM.  
\* Written Test : Date 17-01-2017 (Tuesday) at 10:30 A.M.  
Sd/- Principal  
CHSS  
(11,12)

**SIELMAT CHRISTIAN HOSPITAL & RESEARCH CENTRE**  
Hieng a hnuoia Specialist Doctor pan nuom hai chun dated 14th January, 2017 zing dar 10AM hin Sielmat Christian Hospital-ah pan thei ning an tih. Ticket booking 7:30AM - 7:30PM chen thaw thei ning a tih. Registration Fee Rs. 300/- ning a tih. Contact No. 9862853047  
1. Dr Sarita B. (Child Specialist)  
2. Dr Supriya (ENT Specialist)  
3. Dr Nilachandra, BDS, MDS (Dental Specialist)  
4. Dr K. Romen Singh (Eye Specialist)  
5. Sholay MS, MCH (Urologist)  
Chun, Psychiatric doctor khawm a pan nuom hai ta dingin hieng hun haia hin pan thei zing ning an tih:-  
**Every Monday:-** 10AM - 1:00PM (Mental Health Clinic-Lungril ngaituona tienga hasratna neihai ta dingin)  
**Every Friday:-** 10AM - 1:00PM (Deaddiction clinic-Inruithai thaw leia hasratna neihai ta dingin).  
Ha (Teeth) tieng in en nuom hai chun nitin dar 10:00AM - 4:30PM chen Dr Lalrotlingi Sinate, BDS pan thei ning a tih. (11,12)

**INHRIETTIRNA**  
Date 14/01/2017 (Inrinni) hin Shaktiman (Truck), Churachandpur a inthawk Sipiukawn chen fe ding a um a. Thuomhnaw nei le phur ding nei hai chun contact No. 8732894364 ah indawn chieng thei ning a tih.  
Sd/- L. Rotlung Hmar  
Sielmat, CCPur, Manipur.

Mizoram CM in loneitu hai  
ngaipawimaw thu hril

AIZAWL: Mizoram Chief Minister Lal Thanhawla chun Mizo hnam hai laia tam pawl tak loneituhai dawmsangna chu a ngaipawimaw thu le, a sawrkarin a pawimaw taka a sie thu a hril. Lal Thanhawla chun Khawbung, Zawsei le Khaungthinga hai a sirna a public meeting huna a hril niin, NLUP project chu Mizo society laia mi hnuoihnung le pasie hai dwmsangna dinga thaw ani thu a hril. Mizoram sawrkarin NLUP project a buotsai chu hlawtling taka implemet thaw ani thu le, mi

tam takin an sawr tangkai tah thu a hril a. Hmun hnan hrana inthawk sawisela um sien khawm, mi pasie hai dawmsangna kawngah a hlawtling hle niin Lal Thanhawla chun a hril. Lal Thanhawla in New Economic Development Programme (NEDP) chu NLUP hnungzuitu ani thu hrilin, NEDP hnuoia sawrkarin agriculture le horticulture tieng a thur bik ding thu a hril a. NEDP chu tlangram kilkhawr deua cheng haiin an sawr tangkai bik ding thu le, Mizoram economy suksangtu a la ni ding thu a hril a nih.

Kabul bomb puokah mi 7 thi



KABUL: Zanikhan Kabula Parliament office bula bomb hrattak el wawihni zet sukpuok ani a, bomb hai chu Taliban haiin anni sukpuok ani thu an puong. Chawhma tieng deuin suicide bomber pakthatin mipui tamna lai tak bomb a sukpuok a, mi 7 in an hringna chanin, midang 9 in hliemna an tuok pha. Zantieng Parliament

bula bawc car bomb hrattak el sukpuok nawk ani a, mi 70 neka tam hliem an uma hril niin, a thi le hliem um zat char chanchinbu buotsai ani chenin hriet thei a la ni nawh. Car bomb chun NDS staff phurto mini-bus a tum tak a nih. Bomb hai chu a hrat thei lein thina tuok le hliem chu an la pung pei ring a nih.

**FIELNA**  
Hunglung ding January 12, 2017, 11AM khin kan naunu Nk. Ruthi Lalbiekrem le Tv. Vanlalhruaia, s/o Mr & Mrs Upa Lalhminganga chu Saikawt Presbyterian Church-ah kut insuina an nei ding a ni a. Hi le inzawm hin hi ni 1:00PM hin JJ Plaza, Lalhmasuon Memorial Hall-ah kan naunu inthlana hunser buotsai kan tum a. Inthlana hun mi hung uop a, hung thang ding le an inneina mi hung uop dingin Chanchinbu tiemtu hai ngaina takin kan hung fiel cheu. Fielna Card a hranpaa siem a ninaw lein hi fielna hi mimal fielna anga mi lo pawmppek seng dingin kan ngen cheu.  
Fielthuahi  
- Mr & Mrs Sumkaivel Joute  
Rengkai Road, Rengkai, CCPur

**Serou Leingoi Truck Owners Association**  
**INHRIETTIRNA**  
Association General Meeting 2017, Thurel dungzuiin tuta inthawk thunaw umhma poa dingin a hnuoi a ang hin Serou Leingoi Rate sukping ani. Mi tuel khawma Association in Rate thar a siem hi milo zawmpui seng dingin eiin hrietirin eiin ngen ani.  
1. Leingoi 1 pava: Rs.2500/  
2. Leingoi 2 pava: Rs.5000 (half load)  
3. Leingoi 4 pava: Rs.10000 (1 load)  
4. Leingoi 6 pava: Rs.15000 (one & half load).  
Sd/-President. Sd/-Secretary.

**ASSEMBLIES OF GOD MANIPUR DISTRICT**  
**INHRIETTIRNA**  
Hung lung ding January 13-15, 2017 hin Assemblies of God of East India The 25th Triennial Conference Dimapur- a um a tih. Hi le inzawm hin Manipur District of A.G.E.I a inthawkin mi a tam thei ang tak fe dinga insiem a ni a. Hi huna Speakder dinghai chu-  
1. Rev. Robert Jeyaray  
2. Rev. V.T. Abraham hai ning an tih.  
Mi tukhawm a fe dig hai chu January 13, 2017 (Friday) zingkar 7:00AM ah Rev. Dr L.H. Jacky tuol, Rengkai Road-a in report ngei dinga inhrietirin ei niin.  
Sd/- Rev. Rokhum Joute  
District Secretary.

AYUSH doctor 16 ban

TURA: Doctor nina dinga thil pawimaw hai an tlingzo naw leia sawisela tam tak a um lein, AYUSH Doctor 16 hai chu appointment pe lova ban an nih. Rashtriya Bal Swasthya Karyakram (RBSK) programme hnuoia AYUSH Doctor hai chu lak niin, contract basis a sinthaw le thla tina Rs. 22,000 lawmman pek hlak an nih.

North le East Garo Hills a khawm hi hma in doctor 15 ban an lo ni tah a, chuong doctor hai chu fake degree nei leia ban an nih. Doctor bana um hai chu December 31 a inntanin an appointment hnawk pek niin, an sin suktaup pek ani thu le, chu hnungna an sinthawna lawmman khawm pek an ni naw ding thu District Medical and Health Officer (DMHO) thusuok chun a hril.

J&K -ah helpawl 1 kaphlum

JAMMU: Zanikhan Hajin town, Bandipora district huom sungah helpawl le security force hai an inkaptuo a, helpawl pakhat kaphlum a nih. Kaphluma um chu tum ani ti le a pawl thangna hriet a la ni nawh. Security official thusuokin a hril danin, J&K a Army le SOG haiin cordon le helpawl hai zawng suokna dinga operation an thaw laiin, helpawl haiin an lo kap niin a hril a. Security force haiin helpawl hai intawmna hmun an tlung chara lo kap ngah an nih. Helpawl hai chu security force haiin, helpawl pakhat chu kaphlum a nih a. Security force tieng chu a thi le hliem an um nawh.

South Korea Ah Ui Hme Ding Insuo  
SEOUL: South Korea ah chu uisa hi an du em em a. Ui hme ding lieu lieuvn tamtak tak an vai hlak. Hieng-a a hawna ui an vaina hmun pakhat, Wonju-a Dog Farm a inthawkin International Animal Rights activist hai chun zani khan ui tha tak tak sawm an insuo zalen pek. Seoul a inthawka Km.87 vela hla Wonju Dog Farm ah hin ui 200 neka tam an vai a, 2015 a inthawka ui vaina Farm an khar parukna a nih tah. "South Korea rama chu ui hi hme ding rengin an vai hlaka, amirukochu, damdawi le bu le tha taka

Dollar 250 Million Sumdawngna Thul

WASHINGTON: US President thar Donald Trump chun, President dinga thlangting a nia inthawka a thutiem anging, a sumdawngna thil le a President nina an kal nawna dingin, a organization The Trump Organization-in Russia kawl Georgia-a US Dollar 250 million manhu real estate sumdawngna nei dinga inremna umsa chu a thul. President a tlinga inthawk khan Trump chun a President nina le a sumdawngna thila "conflict of interest" um nawna dinga thil a thaw ding thu a lo hril tah a. Mihai sawisel theina ding le dan lo thil iengkawm thaw a tum naw lein a hlakna ding

enkawlna ding dan a um a nih. Tulai hin ui sa hme an tlawm tiel tiel tah a, upa tieng hai chau an ni taa t halaihai chun vai (pet) dingin an dit lem tah" tiin Adam Parascandola, Director of Animal Protection and Crisis Response, HSI chun a hril. HSI hisap dan chun tu tak hin South Korea ah Ui Farm 17, 000 a la um niin a hril. Kum 2018-a Winter Olympics a um hma ngeiin fak dinga ui vaina Farm hai sukbo vawng annawleh khap dingin sawrkarin hma la sien an nuom thu an hril bawk.

Trump-in Anti-Hacking Plan Siem Tum

Washington: US intelligence department-in an ram (US) thuruk Russia le ram danghai an "hack" thei lein a ralmuong ta nawh tia an hrilpek lei le Election laia Russia lo inrawlna "cyber-attack" chieng taka hmu a ni tah lein President thar Donald Trump chu January 20 office a hlao tana inthawka ni 90 sungin "Cyber security" tha tak siemna dingin team thar siem a tum thu a hril. Kar liemta Zirtawpni khan US intelligence agen-

cies hai leh meeting hlawk tak el an nei thu a hril a. Cyber attack laka inthawka invengna ding thatak a pawimaw thu a hril lai zinggin, talaia thubuoit, election a hrata theina dingin Russia-in "hacking" thawin a lo thangupti ti thuah hrilfienna a siem bawk. "Russia, China ram le pawl dang dang han ei ram insawrkama le inhumhimna, sumdawngna hmupui le pawl hnan hnan, Democratic National Committee invengna "cyber infrastruc-

ture" chen hung ver pawpa mi bei an tum laiin, election outcome sukdanglam theina ding khawp chun an inrawl nawh a, voting machines hai sukcheping theina an nei bawk nawh" tiin a hril. US intelligence agency han Democrat National Committee thurukhai Russia-in a lo hmu vawngin a lo lut ru thei a nih ti fienna an inhmur a, cyber attack tam tak thaw le la thaw pei thei a nizie an hrilna huna a hril a nih. Report hin Russia-in WikiLeaks kuomah hieng

thurukhai a pek sawng dan le an rawl dan detail ruok chu a hril nawh. US Election- a Hillary Clinton a e-mail chanchin a hung put suok lei khan Donald Trump chun ballot paper million 3 neka tamin hnena a chang a nih. Amirukochu, Russia thanguina leia hrata an hril hi a pawm nuom nawh a. Russia khawmin intuma a umna hi a hnawl bawka chu a to tawk tawk a. Trump President a tling pha inlaichinna thalem nei a beisei lei a nih.

Dollar 250 Million Sumdawngna Thul

WASHINGTON: US President thar Donald Trump chun, President dinga thlangting a nia inthawka a thutiem anging, a sumdawngna thil le a President nina an kal nawna dingin, a organization The Trump Organization-in Russia kawl Georgia-a US Dollar 250 million manhu real estate sumdawngna nei dinga inremna umsa chu a thul. President a tlinga inthawk khan Trump chun a President nina le a sumdawngna thila "conflict of interest" um nawna dinga thil a thaw ding thu a lo hril tah a. Mihai sawisel theina ding le dan lo thil iengkawm thaw a tum naw lein a hlakna ding



khawm nisien thaw lo a tum niin a hril. Georgia rama developer Silk Road Group hai chu Black Sea kam laia sawng 47 nei ding Resort baw a tumna sin chu a pek ta ding niin a hril. Hi laia Resort

dent nina an kal an lau lein Brazil le Azerbaijan haia a sumdawngna hmupui khawm a lo khar ta bawk. President a ni tah si chun a sumdawngna thilhai po po chu a naupals pathumhai kuta pek dawk a tum niin Trump chun a hril bawk. Donald Trump in Trump International lien tak el New York, Manhattan lai a nei bawk a. Khawvel huopa real estate an sumdawngna hmupui a nih. A naunu khawm ama ang thova sumdawng them a nia chu politics tieng kei lut a tum lein an naungku sumdawngna chu a naupals- alhai kuta pek suok a tum a nih.



### Pawisa Harsatna Lai Rs.345 Cr. Lamsuok



MUMBAI: India ram mipui tam lem pawisa sum harsat lai tak, lungril sawl hadamna dinga cinema en khawm mipuiinhawi an ti ning a tih, Aamir Khan a film thar tak "Dangal" chun ringnawna tieng tak Rs.345 crore (\$50 million) neka tam a lam suok tah a, Hindi cinema sum lam suok rawntak record a la nih.

Phogat chanchina hin Aamir Khan-in Mahavir lem a chang a. A nauu inbuon hrat baw chu world champion ni dinga en chuktrina chanchin a nih. Ni kuma Rio Olympic a India nuhmein wrestler Bronze Medal a hung lak baw leh, inbuon chanchin hi an hmu nuom ning a tih, vai han an en nuom em em.

Tuchena chu Bollywood film hai laia sum lam suok rawntak record cheltu "PK" (2014) a khum tah a nih. Bollywood film inlar le sum lam suok rawntak record hai hi kum 51-a upa Aamir Khan changna vavng an la nih, 2015-a Salman Khan film "Bajrangi Bhaijaan" ti nauw chu. Tuchena pahnia khawm Salman Khan film "Sultan" inbuon hrat chanchin baw a nih.

### Arjun Rampal BJP ta dingin

NEW DELHI: Bollywood actor Arjun Rampal chun zanikhan BJP headquarters-ah BJP general Secretary Kailash Vijayvargiya an hmupui a, PM Narendra Modi hmalakna le sinthawna chu an pak thu a hrila BJP party ta dinga sin thaw a nuom thu a hril baw. Hi lei hin States 5 haia Assembly election hung um



dinga hin BJP candidate hai ta dingin campaign a nei el theia hril a nih. Chun Actor Jackie Shroff khawmin BJP ta dinga campaign a nei el theia hril a ni baw.

### U2-in World Tour Nei Ding



LONDON: Irish rockers U2 hai chun 1987 laia an album inlar em em, copy million 25 neka tam an zawr suok "The Joshua Tree" kum 30 a tlingna le inzawmin tu kum hin North America le Europe ah tour nei an tum. Hi an album "The Joshua Tree" a hla inlarhai chu "With Or Without You", "Where The Streets Have No Name" le "I Still Haven't Found What I'm Looking For" hai an nih.

An frontman Bono chun, "Tulai hnai kum 30 hunga a hmasatna dingin "The Joshua Tree" hlalhai ka ngaithlak nawk a, opera pui tak a lo nih ti ka hriet suok thar. Emotion insang-tak, current danglamtak, hmangaina, lungril hliemna, inhmangna, polarization, rock music nina ropui tak takhai a lo inphumruk teu ti ka hriet thar nawk a nih" tiin a hril a. Hieng an hlalhai hi sak lar nawkna dingin world tour hi nei an tum a nih.

### Angelina Jolie Le Pitt-in Pvt. Judge

LOS ANGELES: Hollywood-a nupa inlar tak le thilthawthei tak Angelina Jolie le Brad Pitt hai chun an inmakna tu le an nauhai chunga thubuoil hla buoi iemani zat an nei hnungin tuta inthawk chu an pahni chungthu reng reng chu mipui vantlang hmaa hriet a ni ta nawna dingin private judge hmanga rel ni ta hla dingin thusuok an siem niin CNN chun a puong.



An pahni hming sign thusuok chun, "Naupanghai privacy umna dingin inmakna lekha (divorce document) po po chu khar khum vavngin private judge-in enkawltang a tih" tiin an hril. An ukil ve ve hai comment ruok chu hriet a la ni nawh.

Jolie le Pitt inthena hi a thet le thut tho a nih. Kum 10 vel an inzuu hnungin 2014 khal an innei a. Film le social work tieng nasataka hma lain "Brangelina" tia hrietlar an nih a. Naulak khawm paruk an nei hman a. September 15, 2015 khal vuongna sungah an naupa Maddock le Pitt an insel buoi a. Pitt hin a naupa a hnek anga hril a nih nge nge.

### Kim Kardashian Suomu Sungtieng Mi

LOS ANGELES: Ni kum October thlaa Paris-a Kim Kardashian suomu mi 17 man an ni tah a, kha insuomna kha a chanchin lo hre tah a sungtieng mi thangpuinaa thaw ni dinga ring a um thu French newspaper Le Monde chun a ziek. Mi 17 manhai laia pakhat Kim a driver ni hla thangpuinaa an suom thei ni dinga ring a nih.



Police hai hril ve dan chun kum 27-a upa Kim a Limousine (car) driver hin Paris an inzin zatin a phur lanw hla a, an khawwak dan a lo hriet vavng ta sa a nih. Kim suom a ni hma char khawm kha a motor khalpektu nuhnungtak a nih baw. Mana umhai hi 14 chu pasal an na, pathum nuhmei an nih. A upatak Mr Pierre B an ti chu kum 72 mi a ni tah

Kim Kardashian an suom lai hin a kut hnungtieng an khit a, pistol-a tinin a rangkachak le lunglu le pawisa umna an indawn a. Rang-kachak le lunglu, a lunglu kutsebi thangin \$11 million manhu vel an lakpek a nih. A kutsebi lunglu hi a pasal Kenya West le an inhuolna 20-carat Lorraine Schwartz diamond a nih. Kim suomu thia hi thu lan dawn pei an nih. Hi insuomna lei hin Kim chu hun sawttak vantlang hmaa inlang ngam lovin a um. Counseling le psycho therapy hai a laka tha taka an enkawl hnungin a fans hai ta dingin social media khawm a hung inlang tan nawk chau a. A TV Show program "Keeping Up With The Kardashians" ah khawm an lang tan nawk tah.

### Sports:

#### FIFA BEST AWARDS 2016

### Cristiano Ronaldo chu FIFA Best Player 2016 dinga thlang a nih

Portuguese le Real Madrid Forward Cristiano Ronaldo (kum 31) chu FIFA Best Player (Men) 2016 dinga thlang a nih. Ama hin mimal inelna kawnga a khingpui kumhlu Lionel Messi bakah tulaia Football Player inlar thar mek Griezmann hai hnebabin hi lawmman ditum tak hi a dawng a nih.



Real Madrid leh UEFA Champions League Cup an lak zo chauhin Euro 2016 chu Portugal leh an Champion nawk a, Champions League-a ding bikin Game 12-ah goal 16 tawp a thun baw. Chun Ballon d'Or nuhnung tak latu a ni baw lein hi lawmman a lak hi thil awm naw bek bek chu an nawh. Chun nuhmei tieng pangah United States Player Carli Lloyd chun Best Player lawmman a dawng a, Best Coach dingin Leicester City Coach Claudio Ranieri thlang a ni baw. Chun Mohd Faiz Subri chun Puskas Award for best goal lawmman a dawng baw. Kum 6 liem ta chin khan khawvel football pet them tak lawmman chu Ballon d'Or ti hming puta lo pek hla a nih a, nikum khal FIFA chun France Magazine le hi Ballon d'Or an inzawmna suktawpin a vawikhatna dingin FIFA hmingin a hran lieuin hieng lawmman hai hi a hung siem thar a nih. Hi dungzui hin C Ronaldo chu Best Player Award dawng hmasa tak a hung ni ta a nih.

Forward : Lionel Messi, Luis Suarez le C. Ronaldo hai an nih. Nuhmei tieng pangah Olympic nuhnung takah Medal la phak naw hai sien khawm United Co-Captain Carli Lloyd chun Best Female Player lawmman a dawng ve thung. Ama hin Melanie (Germany) le wavi 5 tawp hi lawmman lo la tah Brazil mi Marta hnein pakhatna a lak a nih. Ama chun hi lawmman a lak le inzawm hin, 'Indik taka hril chun hi lawmman hi ka beisei phak naw el bakah phu khawma ka hriet nawh. Melanie khawma kum liem tah Olympics kha a thaw tha hla a ka nek hmanin a phu lem dai a nih,' tiin a hril.

Hi lawmman a dawng le inzawm hin Ronaldo chun, 'Ka ta ding chun kum hlu tak niin ka hriet. Portugal ta dinga Trophy kan lak khawm kha a hlu hla a, Champions League le Club World Cup-ah lawmman kan lak nawk a, nikum (2016) kha chu a that thei tawpin ka lo inkhel a nih. Trophy chi dang dang la theia ka um hi lawmman ka ti hla, a team le mimala ding khawma inchik tlak a nih,' tiin a hril. Rambung Captain an nina le inzawmin C Ronaldo le Messi hin vawisunni chen hin Best Player-a dingin Vote an lan pektawp naw a; tuta tum khawm Ronaldo chun Best Player dinga a vote hai chi ama Club channui Gareth Bale, Luka Modric le Sergio Ramos hai an nih. Chuong ang baw chun Messi khawma an khel channui Luis Suarez, Neymar le Andres Iniesta hai a vote ve thung. Best Player Result chu a hnuoia ang hi a nih: Cristiano Ronaldo: 34.54% of total votes

Lionel Messi: 26.42%  
Antoine Griezmann: 7.53%  
Fifpro Worl XI list khawm puonglang nghal a ni a, mak tak elin hi taka Fifpro XI List a hin Best Player Top 3 Antoine Griezmann hming an lang ve naw tlat. Hi taka hin Real Madrid player panga an t hang a, Barcelona a inthawk pali an thang baw a, Juventus player pakhat a thang baw. Chubakah Bayern Munich goalkeeper Manuel Nuer khawm a thangsa. Premier League Club tieng player pakhat khawm hming inlang an um nawh. Hi Fifpro XI a hming inlang hai chu Goalkeeper : Manuel Nuer  
Defenders : Dani Alvis, Gerard Pique, Sergio Ramos le Marcelo  
Midfielders : Luka Midric, Toni Kroos le Iniesta

Best Coach Results:  
Claudio Ranieri: 22.6% of total votes  
Zinedine Zidane: 16.56%  
Fernando Santos: 16.24%  
Chun nuhmei Coach tieng pangah Germany Coach Silvia Neid chu pakhatna a nih a, ama hi Olympic 2016 khal Germany chu Gold Medal a lakpui a, chu hnung chun

### Australia tennis palyer Nick Lindahl hremna pek a nih

Australia tennis palyer Nick Lindahl chu zani khal poisa farukna kawnga le hung tung ding Grand Slam-ah hin match fixing kawnga inrawlna anei ve lein kum 7 sung zet match inkhel thei talo ding le poisa US\$35,000 zet chawu dingin a chungthu rel pek a nih. World ranking 187 chen kai phak Lindahl hi Tennis Integrity Unit (TIU) investigation team hai thu zawm nuom loin match siemremna chungechanga buoia a siem tum ti a ni baw. Hi baka hin forensic investigationa ding le inzawmin a mobile phone TIU hai kuta a pek phalnav tia hril a ni baw. Fakrukna kawnga hin nikum khawm kha Australia courta themnaw inchangtrin poisa Aus\$1,000 zet inhawitir a lo nita baw. Ama baka hin player dang pahni; Brandon Walkin le Isaac Frost hai chu poisa fakrukna kawnga an inrawl ve lein theinaw inchangtir an ni ve ve baw a nih. Ranking 1066 hmun hluotu Walkin hi thlaruk zet game inkhel theilo dinga hrem a nia, chun ranking 1515 hluotu Frost khawm hi thlakhat game inkhel theilo dinga hrem a ni baw.

### World Cup 2026 pha team 48

FIFA thuoitu hai chun zani khal selkaltu um loin FIFA World Cup 2026 pha team 48 inkhelta dingin thutluka an lo siemfel tah. Hi team 48a hin group 16 umin team 3 pei um an tih. Hi thil hin FIFA president a rawihaini football an suk zau nuom zie a suklang hla a nih. Hienglaizing hin sport tieng nina insang tak tak nei thenkhat hai chun sawiselin football hlutna sukhnuoiin player zawita hai phurik tamtak a siempek ding thu an lo hril. President Infantino ruok chu a thil rawt hi fetlungpui pei ding le,

FIFA world cup neka poisa keilut tam lem ding tournament dang an um naw ding thu hrilin hi thil thil hin football khawvel-ah inthang liena an thlung ding thu hrilin sawiseltu hai chu a dawnlet tawl. Team sukpungna um lei hin Africa le Asia continent anthawk team hung belsain, hrattak changtu ni theina kawt lientak hi continent hai hin an chang ngei beisei a nih. Europe ting pang khawm chenna hai sukbona dingin team 13 neka tam an hung lut thei ngei beisei a nih.

### FA CUP 3rd ROUND REVIEW: Stuart Dallas le Alex Mowart hai goal hman-gin Leeds United chu fourth Round an inpetkai

England FA Cup 3rd Round chu sunzawm zing a nih a. Thawtanni zan khal Cambridge United chun Leeds United lo mikhuolin minute 25 chauah Uche Ipezu hmingin Cambridge United chun goal an thun nghal a, chu chu humhim zing in half chenh khawm 1-0 in hma an thuo. Anachu Second Half tan a nia inthawk minute 10 a liem

chou tiin mikhuol tieng Leeds United chun Stuart Dallas hmingin an sipur an sut a, chu hnung hun sawt sawnteah Alex Mowart hmingin Leeds bawkin goal dang an thun belsa a, chu goal chu danghnein hun tawp chenh muol neitu tieng goal an thunsa ta naw lein 3rd Round-ah lungnat um takin Cambridge United chu an tla fel der an tah.

### Relegation threaten-a um ve ve Osasuna le Valencia an in-ang tawk

La Liga inkhel hmuonum um tak Thawtanni zan khal Osasuna khelmuolah Valencia leh an inkhel a. Hi game-a hin an inhnetawk hla a, ball khawm a pumpuipia tiemin a chenva ve ve an chang ang tuka ngai thei a nih. Tan a ni hlima inthawk minute hin chauah mikhuol tieng - Valencia chun Munir Haddadi hmingin goal an thun nghal a chu zo chau minute 7naah Osasuna tieng chun Oriol hmingin an sipur an sut a. Hun iemani chen 1-1 a inhnetawk in inkhel char char a, half ding tawm char minute 45 naah Osasuna tieng goal thuntu Oriol chun anni goal tieng a suklut pal hlau lein 1-2 in an hratanaw lem ta zing a. Half zo minute 62 naah Roberto Torres chun Osasuna ta din-

gin goal a hung thun ve a, 2-2 in an inhnetawk taw. Anachu minute 73 naah Martin Mantonya chun Valencia ta dingin goal a hung thunsa lein 2-3 in Valencia chun hma an hung thuo nawk ta a nih. Huntawp tawm ruoi Minute 87 naah Valencia chun hrata sukchiengna dingin Penalty an hmu a, anachu Daniel Parejo chun a thun thel hlau a, chu chu hming tangkaiin muol-neitu tieng chun minute 90 naah Carlos Clerc hmingin goal khat an thun nawk lein hun tawp chenh 3-3 a inhnetawk in point khat ve vein an insem ta a nih. Tuhin Osasuna hi a 19na an ni mek a, Valencia ruok chu relegation zone chung charah a 17na an ni mek ve thung.

### FA CUP 4th ROUND DRAW ZO A NIH

FA Cup 3rd Round zo a ni thawkkhat ta a (Match thenkhat ruok chu relay a um lein la a chieng nawh), chu dungzui chun Thawtanni khal 4th Round-a inkhel dinghai draw nei a nih. Chu dungzui chun a hnuoia hi 4th Round-a inkhel dinghai chu an nih. Anni hi tuta thla tawp (27th- 30th January) sung khin 4th round inkhel an tih, iemani tia Program tieng a um chun tuta kar tawp tieng hin puonglang ni baw a tih. Draw in full

- Chelsea vs Brentford
- Manchester United vs Wigan
- Millwall vs Watford
- Rochdale vs Huddersfield
- Burnley/Sunderland vs Fleetwood/Bristol City
- Blackburn vs Barnsley/Blackpool
- Fulham vs Hull
- Middlesbrough vs Accrington Stanley
- Crystal Palace/Bolton vs Manchester City
- Tottenham vs Wycombe
- Derby vs Leicester
- Oxford vs Newcastle/Birmingham
- AFC Wimbledon/Sutton United vs Cambridge/Leeds
- Plymouth/Liverpool vs Wolves
- Southampton/Norwich vs Arsenal
- Lincoln/Ipswich vs Brighton

### FIFA Best Football Awards sem huna Lionel Messi an lang naw lein Football legend Diego Maradona a lung a awinaw hle

Argentina Football Player hmingthang - Diego Maradona chu FIFA Best Football Awards sem huna Lionel Messi an lang naw lein a lung a awi naw hle. Tulai khawvelah TV le Newspaper hai en ringawtin a tu tak hi'm a themk tak ti hriet thei an ta naw lein hi lai hmun (Award ans semna hmun - Zurich) hi thudick tak inlangna hmun a ni thu a hril.



'Iengleia Barcelona hai hi an hung naw ringawt am a na ti ka hriet nava a, hieng ang hun pawimaw a an hung naw hi hrietthiem an tak hle a nih,' tiin a hril sa bawk. Hi hma hin Barcelona chun Copa Del Rey, Nilainia Atletico Bilbao le inkhel ding an ni leia Zurich-a

an inlang thei naw ding thu an lo puonglang der an tah. Amiruokchu hi an suonlam hi a famkim tawp naw a, Messi hin lawmman pakhatna a dawng phak an ring chuong naw leia hieng ang suonlam hi an siem ni dinga a ringthu a hrilsa bawk.

Messi chun 2016 kum khal Copa America Champion thei ding an ni lai Penalty lein Chile hai a hnenawpui a, kha kha a zawnna Penalty-a an hratanaw inzawmna a ni a, FIFA Best Player a lak phak chuong naw chun a ta ding chun an hawi nawna chu um ve tho a tih. Amiruokchu, hieng ang hun pawimaw - khawvel football tieng roreltu tak hun siema an inlang naw chu Maradona chun a hrietthiem thei hlalw naw a nih.

Ei hriet seng angin Messi hi Best FIFA Men's Player Award dawng thei ding laia thlangbik pathum laia thang

ve a nih a, hi hun ropui taka hin a team mate Lui Searez, Neymar le Gerard Pique hai le an thang ve ngei beisei a ni lai Barcelona Thawtanni khal hi huna an player hai tukhawm an thang naw ding thu an lo puong der ta a nih. Brazil Star player hlui Roberto Carlos ngei khawma hi thu hi a ngaipawimaw hla a. 'Messi le a team mate-hai an hung naw hin ka lung a sukhnuol hle a nih. Footballer ropui tak tak an nei a, ei rengin hi lai hmuona an hmel hmu khawm ei inbeisei. Messi khawma hmu ei nuom seng a, chubakah an Coah ngei khawm hmu ei nuom lein hin hun khawvel Football-a dinga thuneitu lien tak hun buotsia an inlang naw hi a paw hle a nih,' tiin a hril ve.